

四庫全書

集部

欽定四庫全書

集部

元憲集卷

五至
九

詳校官監察御史_臣李陽樸

檢討_臣何思鈞覆勘

總校官進士_臣程嘉謨

校對官編修_臣勵守謙

謄錄監生_臣黃紹伊

欽定四庫全書

元憲集卷五

宋
宋庠
撰

五言律詩

甲戌冬屬疾賜告二首

行年三十九病腦劇中乾目界空花眩脾倉宿滓寒未
燈歎夕枕欲食進朝丸惟有披書樂依稀及士安

恩告僂衛革年華飛瑄灰右眠安佛脅深息養仙胎數

犯稽違禁誰憐落材使軺均病粟

卧病適值長至
官給節物酒梁更

自輟然哈

小疾

舊疹感春陽岑岑體正疋雙朧便貉睡一息寄龜腸味
減輟羹釜心疑照弩觴藥苗行可采更驗太清方

晚望京邑

暮壘初休角孤譙半掩門鴻聲騁寥泚鷗意戀黃昏遠
岫排頭碧春河徹底渾關東三百里依約是天閭

候月臺

平昔詞林伯嘗為右輔來庾公偏愛月薛縣未傾臺鑱
石雲根斷臨波水腹開良宵時弭蓋方信謝莊才

過列子觀

兩作朱轡守

赴洛孟二守
皆經北祠

重登羽客宮故墟墻舍壞塵

案耐杯空款戶殊無屨乘衣尚有風軒游曾駐蹕高意

掩崆峒

真廟西巡狩親謁祠下有詔褒加
冲虛至德真人之號刻石存焉

北臺

遠日春風外韶光晚思前短青平野樹斜碧半樓天芝
木參雲嶺桑麻冒蔽田詩成無所況題作詠懷篇

城堞俯漳湍關河遠近看曉山天外紫秋日霧中寒短
鬢卻成葆孤心轉似丹蕭家窮僻地歸去養衰殘

善惠師禪齋

象馬王城地禪扃此獨開漏聲隨葉換風意繞幡來馴
鵲依齋樹飛花戀講臺朝珂時一集併為碧雲才

臨秋三首

兀坐臨秋水悠然到夕霏蓮叢經雨折菰米待霜肥有
餌潛鱗出無軒野鶴飛騶呼且勿遽更待月華歸

素潦沙成岸蒼條柳映津蟬休疑惜已

漢杜密曰隱情惜已自同寒蟬

靖去似猜人

事見淮南子

紺幕隨天遠瓊鉤伴月新清風時

一至吹盡故纓塵

脫葉金霜罷滄洲滿目前林風寒結籟溪日晚留烟獨
木橫官約方苞入稻田持麾更吏隱殊覺主恩偏

次韻和西堂風霾

霧氣疑成雨，終風亟挫春。
祇驚天灑礫，寧是暮吹塵。
大旆亡空澤，奔車儼要津。
高樓非可望，偏汙扇中人。

謁龍門無畏師塔祈雨作

梵聖遺靈骨，洪緣福故都。
慈深雲不斷，法徧雨常俱。
使

節開真槨

朝廷近遣中貴人開棺祈雨

天香奉供爐

又賜御封薰爐為供養

拳

拳依帝力餘，潤翼昭蘇

過普明禪院二首

唐太子少傅白公舊宅

自昔仁為里，于今福作田。
清風殘竹地，寶色故池天。
繪

象成真侶

樂天舊影與蒲禪師偶立

家聲入梵緣

又常自稱香山居士

一披龍

藏集無復歎亡篇

後唐明宗子秦王尹京曰特寫公文集一本置經中至今集本最善

軒冕唐年客溪林洛社坊雖閒居士室未壞魯恭堂佛樹高彌綠天花落更香惟餘名不滅來伴法燈長

浮橋

東潭雙津隘浮梁古制存灘移淤岸勢標譴漲波痕逆浪船排首周阿纜植根祀勞如舉典元凱有英魂

讀書多所廢忘

舊學紛無幾幽懷斷復尋蒼茫萬機論零落九州箴枉
嗜韋編讀猶依槁簡吟時無袁伯業孤陋任年侵

晨興讀書

老病何為者陵晨縹帙開終無經世略似有著書才

余

予京受詔作唐書百餘
篇余亦斐然有著述意

史記金藏匱春秋玉作杯吾心

聊自適萬事已焉哉

守洛

久玷疇咨地新蒙策免恩往非堪咋舌來寵夢驚魂

罷余

相蒙恩改官加職
非待罪之本望

病與疑弓釋身隨散櫟存惟餘太陽

照終不礙孤盆

至洛踰月凡兩蒙遣使傳宣復問

次韻和吳侍郎睡足成詠

何處西臺樂高眠萬慮沈
盃盤春席罷風雨畫堂深
氣勝龜調息魂交蝶伴心
有人驚曉漏顛倒整衣簪

晚歲感舊寄永興相國晏公

誤知三十載頑魯寄洪鈞
物比清羶舊年驚白髮新
河冰斜界陝關樹曲遮秦
何日陪師席孤懷跪自陳

聞安道舍為鄰火所焚

里旅聞遺燎連薨委夕煨初無徙薪智枉被及魚災勺
水寧堪救三車諒未摧天知君自足聊復寄靈臺

南軒望雨

層靄冒遙城風長雨足輕暗雲依電簇微日記虹明樹
洗連帷出荷翻百琲傾幸無漂麥慮舒嘯倚前楹

夕雨

春溜簷聲細層波幕影斜雷車陳后館雲枕楚王家桂

凝霞杯蟻蓮空蜜炬花莫漂枝上蝶幽夢在天涯

雨歇

急澍乘雲度涼烟落晚留山顏紅露日田尾濁鳴溝知
倦翩翩鳥來思濕濕牛東菑聊騁望偏識種瓜疇

池上觀雨

急雨橫塘晚蕭蕭逼坐隅斜津添竹淚繁點溢荷珠泥
重聊休燕波翻尚浴鳬風霆河外惡橋卒弗傳呼

送太常魚博士通守漢州

金少卿集卷五
春霰霽征塗離人向蜀初還拋博士藟貪佐使君旗藻
思夸名閣忠懷慕叱車布刀多計吏行矣數通書

冬行西園溪上

故柳樊官圃新禾上野場

郡有稻畦
菜場以獲

晚烟林外紫昏日

水中光菊晚香猶在橙寒味不長蕭然成隱趣況復近

山陽

竹林近
在河內

四月十五日晚出溪上留連不能去

偶來尋晚景便覺滌囂煩岸柳相攬綠風荷各自翻歸

雲何處宿驚鷺或時喧不奈滄波濶鳩山有故源

山海經

南登鳩山溪水出焉即此波之源也

譏俗

白雪賡歌苦華顛答難頻寒驚穿履客餓恥祭墻人泚
泚金終賤胡廬璞未真原生寧是病結駟往相親

送譚秘校赴江陵理曹掾先過衡陽別墅

吾穀飛名早卿軍補掾新還家鴈峯地趨府鶴袍入樹
色圍荆壘江聲瀉蜀津無輕束矢訟陰德及斯民

貧病

貧病兩何緣相將百慮煎
儲空擔石粟書貸倍稱錢
客訝甘蠮李偷驚昔故氈
因聲謝才鬼擬作送窮船

秋湖上晚景四首

小小江山國輕輕縞紵衣
波光清作面天勢碧成圍
岸蝶隨人舞沙鷗掠坐飛
此心兼此境安得不忘機
曲檻堪何倚幽芳幾獨尋
蘋雲山露頂孤月水呈心
翹鷺多依淺驚魚更就深
歸懷無晤語身世兩浮沈

春溜來無限，新蒲綠未齊。
蒼烟山帶北，紅浪日平西。
野鷺時孤往，林鸚忽並啼。
一篇行一曲，依約似青溪。

浦溆春初滿，風煙晚不銷。
泛杯橫截竇，

作小堰截水為流杯

通舫

小開橋

新作釣橋以通舟

蓮葉抽萍面，藤梢落樹腰。
此中無駭

浪，容易打雙橈。

北樓晚景

修曲少城偏，臨秋坐眇然。
殘陽鷗翅外，新月鳥行邊。
隱軫齊侵地，蒼茫魯狩田。
登高何必賦，歸意自悁悁。

寄李端明獻臣

學道年嗟晚知非骨已驚世紛誇要路天意罪浮名汶
上朱轡寵淮南白髮生惟餘方寸地留貯歲寒情

次韻和吳侍郎寄致政張郎中以令子倅府迎侍
河陽

序齒顛毛貴傳家子綬青蘭芳應作膳椿老別添齡逸
豫鴻排陸歡心鯉過庭幾時陪雅集醉弁一俄星

奉和御製龍圖等閣觀三聖御書

羣玉中天府珍圖綠錯文叢楹開禹穴寶畫爛堯雲萬
牒真行辨千題甲乙分聖心尊世烈披玩不知勤

曉入諺門趨殿中馬上作

鑰出馳宮路更餘送曉籌露盤先得日溫樹未知秋煙
幕昏朱裏風旂颺綵旂鳴鞘歷宣室應為原神休是日

大饗明堂禮
畢移御便殿

豹隱堂

昔日蒸青地今茲坐嘯居人瞻分虎出庭記墮鱸餘蕭

墨齊猶寶莊環室舊虛嘉名傳郡志寧減武侯廬

題李洗馬歸輿堂

君有誅茅地重歸一畝宮身同巖桂老心似草堂空昔
歎魚隨餌今歡鶴出籠吾廬嵩潁畔亦欲狎樵翁

春晦寓目

春序倏云晚高臺芳意多花成風地纈鳥作暝林歌樹
氣薰繁幄池紋疊細波夾城歸騎散煙絮徧銅駝

池騫

野水初盈沼舒鳬亦伴游雙鴈時沒藻斜陣或迎舟敢
厭吞腥累真忘續脰憂杜家鄰舍遠刷羽恣淹留

赴洛經鄭馬上偶成

去國雖傷別乘輶尚及春榮風清翼蓋翠樹綠迎人後
隊金鏡響前驅隼旆新衰懷無麗賦何以說西賓

晨興春冷

玉骨臨風怯華釘恨帶寬凍醪催卯醉小雪造春寒錦
瑟弦聲潤山鑪蕙炷乾良辰他日意慎勿怨花殘

時賢多以不才謂我因自詠

我本無心士終非濟世才
虛舟人莫怒疑虎石曾開
蚊負愁山重葵傾喜日來
欲將嘲強解真意轉悠哉

題廣愛寺楞伽山亭

世傳唐初有異僧呪土為此山形制奇詭且云鳥雀不敢

棲宿其上
今逮猶然

誰覆為山簣工倖架海形
神鞭陰助險佛髻巧分青
棟老棲烟濕禽翻避呪靈
會須依定觀一一訪巖扃

和中丞晏尚書西園晚秋懷寄

節物名園晚風烟亦媚秋
鈿稍低露竹珠罇老霜榴
塢籟晴先響牕霞暝自收
山楹誰侍坐正似傳巖幽

衆籟日蕭蕭閒園氣寂寥
風萍難覆水霜葉易辭條
噪鵲繁聲合寒蟬舊吹飄
試尋籬下菊鄰酒濁盈瓢

城外秋晚

澤莽鬱蕭條憑高不自聊
水寒陂雁集城廢冢狐野
色空秋穫林聲急暮樵
先疇東北路鄉思託回飈

過行慶關

洛鄭東西接山河表裏雄嶺回千樹出天轉兩崖通虎
圈周原綠敷倉漢粟紅今無楊樸恥四海是關中

再經行慶

行李纔踰鄭關門已及周山支抱輦合洛尾貫河流驛

騎迎朱轂封人訝白頭

余頃守洛未有白髮
今則衰矣迎者憫焉

往來何太

數慙恨見嵩丘

添色紅

景淑能藏媚情多不頓開初疑香色老終伴綵烟來夕

露濡仙纈晴陽染醉腮施朱應有意併為楚人材

郡圃觀稻

誰取霜禾種來依郡圃裁芒隨虎掌熟畦作佛袍開自
應蟬鳴候應無蟹齧灾

河洛無蟹

公庖豐飫飯知免拾顏煤

歲晏城上北眺

萬彙競搖落臨高傷旅魂驚颺無定響寒日有餘昏路
轉平臺苑天低覆盜門惓惓心未已曷月報君恩

和中丞晏尚書西園石榴紅葉可愛

幾歲江南樹高秋洛溪園碧姿先雨潤紅意後霜繁影
疊光風動梢迷夕照翻一陪幽勝賞容易到黃昏

鷓鴣

曲浦江湖漾文禽伊洛飛愛尋芳夢去更伴晚霞歸露
溽金翹潤菰香錦臆肥主人真賞厚慎勿去郊扉

老屋

老屋共棲遲窮年弔影悲宵牀牛誤闢畫壁鼠無儀牕
北那成隱家東益自嗤因聲謝巢燕京洛足華棖

曉謁城東嶽祠回馬上作

州經至和三年水災城
池荒圯蕭然殊可歎

洛水成災後霜原落木秋
濁河雖自復寒潦不知收
路壞停輶館城摧卻敵樓
民廛無黍稷何術望神休

小隱春日

小隱非吾土幽懷屬暮春
人憂原憲病鬼笑子龍貧
草合看迷路簞抽欲過鄰
俗嘲慵自解羆弩惜千鈞

齋中焚香宴坐

耳界千聲外爐薰一室中
妙心那有住真意本無空
香

飯凝盃白天花蔽席紅間觀色身相方信幻人工

送蘇寺丞宰廣德

早捧諸侯檄新登九列丞
底身聊製錦受命更懷冰
浦葯薰行櫂江禾壓翠塍
高樓如可望西北一長凭

和吳侍郎微雨中與一二親友同登香山石樓

伊瀨鳴秋麓香樓隔雨溪
天形林罅出山脊霧中迷
岸峻靈龕密沙平野路低
只應觀佛土物物便堪齊

歲晏感懷寄吳侍郎

百慮靜且尋蕭蕭芳歲陰感君辭劇日休我冒榮心歷

塊瘦東道

才者有時而倦

巢枝憶故林

拙者志在心

霜毛秋更短持

底受華簪

同年龐汝弼赴宰臨賀見過叙別因成感詠

朋好日寥落征驂那忍聞先成數日惡更負十年薰客
棹秋瀧水宮郵暮嶺雲圖南尚良食少作弔湘文

齋居有感

氣逐薰絃動春隨畢雨殘蠹桃欹廢井新李礙游冠處

晦垂轅驥于時上坂九無人憐仲叔平日憶猪肝

立春

底處春來早依依傍日華年光隨寶勝陽律犯鳴笳冰
沼應潛坼風枝已自斜江南無驛騎何計賞梅花

李公佐歸漢東

予之
妹壻

門有聯瓜懿人傷摻袂分新篇稽奏牘故社戀鄉枌桂
魄離懷苦蘭若夕膳薰芳音母自寶西北足歸雲

送王祕校嶺南都講學

高才嘗負俗公薦此開榮却領淹中學還為稷卿槐
依卿市綠風入舞壇清稽古方知力騰飛自有程

元憲集卷五

欽定四庫全書

元憲集卷六

宋 宋庠 撰

五言律詩

歲晏思歸五首

歲晏坐伊川孤襟日惘然無功堪載策有路即妨賢寵辱丹心寸年光素髮邊含毫雖躑躅自欲賦歸田

碌碌真邀寵容容謝致君短鳬生愧脰狂鹿老思羣急

節驚流水浮名伴薄雲歸歟堪擊壤況復值唐勳

昔寵塵三事今懷念一邱稻梁爭鶩飽章服裹狙愁心

與遽非化年驚趙語偷欲將知止意歸謝漢恩侯

班固序
丞相平

津候以下皆
入恩澤侯表

潁曲多成瀨茨山亦有村不知榮革履便欲返衡門邵

圃瓜疇熟陶廬菊徑存敢言輕寵祿知退是酬恩

世有功名羨人將躁靜殊冥鴻專避弋闕鷗喜捐軀駕

敗誰矜巧山移邵信愚白雲無誚我歸意本區區

主薦後喧訟不已

昔賁丘園聘今嗟勢利趨何嘗輕九九自欲較銖銖鉤
百勞筋敗朝三怒氣麤因聲謝鄉校真賞媿非夫

自寶應踰嶺至潛溪臨水煎茶

關塞雲西路僧廬左右開過巖逢石坐尋水到源回

源溪在寺西南

二百里天籟吟松塢雲腴溢茗杯宮城纔十里導騎莫相催

致仕得請泛舟歸第

輔郡初辭節孤舟始去官橋頭帆影急枕底浪聲寒好

爵云誰寵危心且自安賜車誠可愛閒共子孫看

哭子正直講

類升王門客橫經胄席師頻揚四巡頌屢折六身疑寂
寞終嘲白侏儒詎信飢一朝嗟盡盡福善亦予欺

柳嘲竹

好在碧檀藥叢低度歲寒何堪裁鳳律只好製魚竿拂
水烟梢潤含風鈿葉攢芳陰聊奉庇君試仰天看

送上元張尉

馳譽光英域，糊名限選條。
州臨建業水，路出廣陵潮。
歸思刀頭苦，離心旆影搖。
行聞有薦牘，南闕贊岩堯。

送餘姚顧尉

昔意青霞路，新恩黃綬榮。
官同吳市隱，賦壓楚鄉平。
天霽晨帆駛，潮回夜牕輕。
千巖勝遊近，且莫棄塵纓。

送烏程吳尉

千人嘗得僂，再命尚沈僚。
左右為容晚，東南作尉遙。
鄉心烏鵲樹，春醉素馳橋。
今夕羈魂枕，前知為別銷。

送常熟錢尉

吏最三年集僚東一尉沈清壺人映玉魚芬廟藏金夕
館淮塘度春篙楚汰深王孫情幾許芳草徧天濶

送舒州懷寧尉孫景先省嚴親後赴職

鄉書曾擅秀父任此為郎卻捧三銓檄歸稱百歲觴淮
山瞻曉堠皖浦轉春檣無累徒勞歎廉車貯薦章

送高郵葉尉

佛塔千名勝銓臺再調符空登拔萃目未免沒堦趨

嬰桂方辭洛，羹蓴尚及吳。振淹知孔邇，華萼映鴻都。

君即道卿

集仙之
令昆也

官況

久曠三山直

時令他局
餘書多發

空倍五日趨，文無飾羽巧。心有

刻舟愚，陞戟愁飢死。闕門駭寵呼，趺然偏自愧。乘馬與
雙鳧。

故歲東園植竹喜，今春方芳。

幾日霜根地，新年綠玉陰。春來雖換葉，寒去轉虛心。乳

節烟膏膩空梢夕籟沈何時殊實老留遺九苞禽

蔬食

何筍空園貴潘園且薦羞肥非糠粃飽炙恥彈鴟求餘
薤行堪種芳葵莫預憂伯陽真意在鼠壤棄誰收

浩歎

鼻濁哀吟倦空懷浩歎盈心同注鉤哇功比畫墁輕俗
態驚祖恕剛腸謝鶩爭淹回江外客日夕望堯旂

昔歎

昔歎枵來海令悲，濶隱松連城。輕偏壁畫室，畏真龍靜。
勝將生白機亡恥，合蹤誰談龜手術。泝泝換具封。

侍宴集英殿因過學士院舊廬有感

昔日金門署重來，素髮臣故詞多削。葉前誠尚銘紳寶。

翰餘龕鎖仙山晦，壁塵更憐溫室樹。顏色老于人。

北軒
院中

海棠最
為舊物

送殿丞楊備通理睦州

引籍淹閨序監州，得海壖貪隨濤。鷗驛倦趁火城天，織。

紆吳儂富

今土貢
白紵

垂綸漢客賢遙知懷我處霜月暝樓

邊

讀賈誼新書

誰謂賈生學兼之文帝朝死憂王隆馬生賦鵬如鴟被

召宣溫密矜功絳灌驕勤勤論五餌史筆未相饒

班固
咄五

餌以為疎蓋不見
賈生之功成耳

行舟漢口

澤國風波恨孤帆日夕征山連吳樹綠江入漢源清鬢

亂將成葆心搖不後旌銷魂千里外寧是憶萼羹

聞胡明遠記室將至

昔歎都門別今聞隴坂還風烟背秦塞陵邑過周關
松老忘年契朱衰玩日顏須君述征賦方驗此塗艱

送謝煜赴無為主簿

懷檄倦遊都勞勞艤客艫秋渠沿苕蕩春塢見濡須
秣齊添賓酌蘭苔入養厨明年獻天地南闕倚星榆

攝祀出城過西苑馬上作

斗柄仙城曉龍鱗下濕通三竿眺義馭十里過商中水
藉天容碧塵依駟轍紅喜間何力語應為樂秋豐

關外

關外崢嶸歲河邊寂寞洲寒雲能不雨高柳強先秋野
靜狐狸出沙長雁鶩畱登臨雖信美無賦可銷憂

和吳侍郎寫趙中令韓王宅

平昔元勳第多年洛水頭荒池威鳳去高棟野鷗愁木
老爭侵日花寒各媚秋猶欣賓館在臨賞寄名流

至日園丘攝事禮畢歸馬上口占

祠館宵燈罷歸驂曉轡輕天規斜抱苑斗柄曲臨城路
記仙輿轍林空寶雉聲上元新甲子休氣接平明

郡圃秋日二首

閑去秋歸早開軒洒病襟曉風凌羽扇商氣襲瑤琴竹
雨無情碧荷煙底事深蕭蕭差可賞只是恨年深
果樹孤城側空波八月涼高雲收雨意淡日作秋光葉
落風蟬鳴巢空社燕梁變衰從此始何術奈羣芳

次韻和具侍郎偶至城西一二名園

幾曲西園路幽深隱歲華偶乘安道興直過辟疆家畦
脈爭分溜叢名各記花身閒飛蓋遠容易到曠霞

佛嶺

鳳谷掩西嶺驚宮聯四陲山晴巖獨露林暑澗常秋風
御疏清磬雲柯抱晚樓瓊芝編諸崦歲暮儻來游

送慶州安化元處宗主簿

黃綬榮新縣華顛惜美材越心枝上遠羌思笛中來烽

爐和星落刀環伴月開
寄言樓棘地鶯翻少徘徊

送潁陰張主簿

早服英雄教胡為州縣勞
荆璆不自鬻郢雪向誰高
月殺千聲疊霜風萬竅號
行行星聚國芳尺慰同袍

送巢縣梅主簿

吳邑神仙系梁臺英俊游
官從鸞棘試材俟蟻封求堂
桂叨聯籍陔蘭慶奉羞行
行離恨苦淮月一弦秋

孟津歲晚十首

我懃流年晚年將我志違終風來北怒寒日趁西歸野
獸來羣騁離鴻望影飛君恩殊未報愁憶故山薇

地濶山川嶮風高萬卉乾山煙晨作暝河氣晚催寒革
眼移前帶梁金晦舊冠胡然坐衰靡無客餉千九

隱軫分河壤崢嶸念歲華關雲沈翠樹樓月嘯羌笳要
路誰云騁浮生會有涯高哉羨門子橫海挹朝霞

歲籥行周美官齋坐悄然脩篁全露節衰柳不停煙霜
苦雲收陣天斜月控弦寸心如斗柄常在帝車前

曲岬羣芳歇高臺倦日留晉山青不斷河潦濁難收世
路功名急天衢歲月遒吾生猶可養嵩麓是耕疇
戍苦河兼重星回歲聿悲頽雲埋雪樹暗水入冰池山
疊看疑近樓高倚更危吞腥何日了歸去如華芝
大室東南望分明鸞鶴飛何嘗無路往自是有心違隱
谷松聲淡仙區藥甲肥行年六十一非外更知非
芳序雖搖落吾生任屈伸日催輕壁士天赦戴盆人宵
鴈多號月冰魚暗待春自憐麋鹿性晚節頻纓頻

昔日山林願今茲軒冕遊祇驚年冉冉安議政優優小
雪烟橫野殘照月背樓河邊楊柳老不是桂淹留
渥渚隨顏罷飛霜入鬢新夜壺寒展月冬畧急馳輪名
美誠堪徇身閒我獨親聊持一樽酒不為畫蛇人

歲晚感事

息偃君恩厚崢嶸歲律遷若驚曾為寵見嫉不因賢白
日孤盆外蒼蠅赤壁前東隅雖已失忠意尚惓惓

榮路冥煩客單車寂冥州

前朝有單車刺史

野氛連市漲寒水

夾城流塞上真亡馬江邊獨信鷗不知芳歲晚霜雪上人頭

積水千陂會孤城一角存烏烏喧晝霽蛇虺喜冬溫地
負荒民屋天高思國門楚優歌舞拙何處強持樽

初憩河陽郡齋三首

河洛周郊會風烟晉郡鄰人傳種花縣地記躍魚津梨
棗知秋晚桑麻驗俗淳惟憂三載課無術效臣恂

積晦雲初罷餘光大尚流疎桐凋晚日孤扇避高秋令

尹何妨仕將軍不必侯此心機息轉只好弄羣鷗

郊園連官圃秋陰半歲陰亂流橫掠野殘日倒穿林雪
擁承簪髮丹藏戀關心思歸誰作引從古怨瑤琴

曉汲

曉汲過春畦高梧待鳳歌
麈尾閒鑿礎瓶陰畏居湄
照影香釵墜踟煩素紉
岳寂寥無醉轄瓢飲共棲遲

遲明出都

曉出西郊道回瞻北闕
天城頭雲斂蓋關外月低弦
委

佩辭朝紱鳴笳逐使旃老臣三去國憑軾淚潺湲

余昔守揚

次守洛今守孟三

出都門凡十六年

次韻和吳侍郎以余偶名新花為壓叢春見貺

異草來何許低昂曲沼濱不勝叢上意翻作葉中春逗

藥清香遠銜跼絳彩勻芳心如有屬宜在賦詩人

余雖作名

唱之者

詩也

淮南早春風雨連日俗以為宜

淮海歲方新層陰便浹辰山山能作雨物物解呈春野

鳥千聲異江燕一色勻農區田溜滿偏慰守藩臣

和柴天休鄭舍人奉祠太一見懷之作

初啟冬冥琯知祠毫忌壇雲璈賡夜曲瓊藥供朝餐真

御扶飈遠僊威抱斗寒勞君懷晤語此夕宿坡鑒

是夜余亦

內當直

春晦小雨

節晦春蕪歇天高暮雨空輕雷遙應電斜日倒成虹陰

綠苔浮水幽光蕙轉風何須俗士駕三徑有蒿蓬

春夕

暝色蔽孤齋空軒向夕
開花低應露下月暗覺雲來
燭牖輕蛾聚風枝倦鳥猜
無言聊隱几萬境一靈臺

有將獨鶴行都市道上者
左右奔迫野態憔悴因
成短韻

明心本霄漢北路極喧埃
何意鳴臯罷翻同舞市來
波魚憂轍洄海鳥避風災
寄語昂昂質非君羽獨摧

元憲集卷六

欽定四庫全書

元憲集卷七

宋 宋庠 撰

五言長律

郡齋多疾

歌名非周陝
褒黃謝漢台
名將恩共忝
衰與疾俱來
素髮慙犀導
朱顏藉玉杯
勲勞真索莫
出處尚徘徊
且脫平津粟
誰憂長孺灰
淮陽安敢薄
卧治恐非才

和通判刁博士屬疾次韻

退食仍移疾消煩尚偃床玉姿經燉潤松色貫寒芳漱

液仙池滿觀心慧炬光

若素妙輝筌動珠慧解

清魂同鶴警妙數

喜龜長且答毗城問休回楚客腸定知靈氣復新句有
風霜

進讀唐書終帙

隋室重氛極唐家景命新地歸裂殘壤天洗戰餘塵

隋自

場帝末天下兵興割裂土壤至貞觀後始一統矣

遂納諸戎貢爭陪二月巡

高宗

明皇帝舉
行封禪

瀛洲登俊老

天冊府延十八學士
時人謂之登瀛洲

烟閣盡名

臣

功臣並畫
像凌烟閣

輕重非關鼎興亡要在人

明皇帝天寶以後
驕縱失道遂

致安史之亂肅代復興至僖昭
陵夷不振然其治亂皆本于人

舊都紛秀麥前事徧書

筠

朱梁移都于汴
長安皆邱墟矣

哲后疑圖暇西廂訪古頻

頃年多御
通英閣中

終篇見成敗摘句屢諮詢青史嘉遺直元龜遺

去聲聖辰

願將稽古意萬一助堯仁

楊寺丞掌務西洛訪別

長安久羈宦門巷絕卿興朝綬徒云忝賓綦日已疎何

為趨玉趾乃肯眷蓬廬九棘歷華選四環承慶餘頻叨
范叔贈時取長卿書清晤輒窮景高談寧鑿蘇夫何苦
吏役忽爾愴離居交臂願從子盍簪嗟棄予梁郊春草
後鞏樹夏雲初安石訪吟社少浮乘澤車一官方効智
萬里乍紆途雅節鄙時尚高才凌太虛奏篇希乙覽刷
羽遲南圖

君嘗奏文數十篇未報

行矣姑自愛漢家方向儒

中秋禁林對月

素篇中分夜祥蓂對滿辰千門迎皓彩一氣洗空輪淨

失金釭影寒生露掌津仙京全是玉佛界即成銀宮瓦
收蒼霧天淵滅翠淪網珠聊借媚紈扇枉迷真爽籟通
鵲鵲斜光淡結鄰孤懷無晤賞長嘯待清晨

寓宿南宮言懷

始寓南臺直偏驚素籥霜悲秋真騎省出沐愧山郎自
許鷗機息誰矜鶴脰長塵縑洛客袂粉老漢人鄉篝燭
沈幽幔緒絳襲隱囊杯醪冰去聲餘淥硯滴瀉寒光歲晚

凋蘭佩風乾裂芰裳星烏繞枝倦瑤草蔽庭荒道為虛

金
心勝情緣感物傷勞歌少悽惻夷路即騰驤

樞密東院秋日

試問山林客胡然廊廟中借籌終不效數馬亦何功

篠荀池北

院在中書正北

回環漢壘東

西樓禁城衛士屯馬在焉

繒雲高幕

潤瑤草半庭空乍失蒼門燕初聞上苑鴻涼催珍簟卷
氣襲碧簾通虬箭天邇漏烏竿物外風心傾徒類藿髮
短更驚蓬自詵非真相其誰恨禿翁婆婆君勿謂併為

主恩隆

贈傳法先梵二大卿兼述譯場之盛

梵劫扶皇歷高才會聖門五天真釋種

傳法北印王之貴種

三國

舊王孫

先梵故吳王李氏從子

譯詁生知慧

先梵自童子便通華竺之語

卿聯

萬戶恩

二公自先朝並加卿秩以崇傳譯

齋熏光漢邸結集盛秦園交

照無殊俗多間屬上根

二公雖夷夏有殊而法性惟一

學徒紛霧委經

錄燦星繁

先梵奉詔重撰景祐法寶錄十卷奏上之

妙義觀心德華音置使

翻

白天傳後譯經潤文之役皆執政領其職

祝場千偈出

每歲天子誕辰皆大開譯場進新經

祝壽
空境一燈存列聖文垂象

太宗真宗並賜聖教序旁作金石刻皆列于堂上

行筆記源

二公作天竺字源聖上為之序

院碑鰲抃島

院碑即今英國夏公撰演暢宗

理實一代之高文

御榜驚巢軒

上既序天竺字源又御書刻石榜其字號曰乾華殿

地倚

區中勝人緣物外尊十年參淨職于此愧忘言

余兩參大政改

使樞管皆同

譚經潤文

寄長安端明王左丞

網轄尊華省旌麾鎮舊秦州榮朱轂守公待黑頭人從
索荷中密仁風扉外春才包揚馬思政續趙張神鼎鉉
終調鵠天文尚翦鶉山光函谷曉柳色渭橋新勒隊良

家子邀歡代舍賓聲華今絕擬事業古難倫顧我非賢
宰惟朝念老臣官銜溫室殿城壘富平津有秩皆踰分
無功可活民餐霞聊卻疾西壁更求真野屐茨峰路耕僕
疇正近具漁竿潁水濱拳拳知止戒行及謝交親
茨山下

講詩徽章置酒崇政殿講官兩府宗室近臣皆預

會奏御

經藝尊詩學書林眷講臣禮將恩並渥道與日俱新聖
問臨篇裕王風即席淳妙談開寶帙高宴寵華紳朝笏

欽定四庫全書

儀庭鷺宗藩瑞世麟天漿聊挹斗帝曲豫回春惠洽需
占象歡留景駐輪諸儒稽古力千載頌逢晨

次韻和觀文王尚書謝余寄示新詩

久免台階重頻遷郡守優朱輪真冒寵白髮自驚秋事
往情多感年衰氣失邁徘徊河裏望

西北便望河內

凋落漢庭

游俚曲聊成唱真筌不暇搜空思益者友安議賦家流

六義二曰賦

心町都遺跡辭林幸見休豐謠連井甸華札滿

輕郵已許瓊為報何妨漆更投濟川毋譴我歸夢在漁

舟

都下燈夕

火樹鬱岩嶢山車切絳霄層樓移旦闕複道借星橋花
散非因雨霞多不為朝聲來知佩近香去惜車遙過扇
還間曲逢臺即聽簫更籌且莫盡綵月正飄颻

元會觀禮呈僕射相國呂公

乾厯瑞辰啟王庭慶禮昭虞篇五瑞輯漢句九賓朝物
象開蒼陸聲明薄絳霄寒依朱燎盡春入綵旗遙舞翟

凌干密蟠螭歷陛驕晨先生劒珮和氣引咸韶寶極瞻
垂衮星階集珥貂班時先正夏拜祝故尊堯山獻稱觴
壽雷傳浹宇謠燕需雲布象恩漉斗回杓任土虔方聘
居鄉列瑞條須知容典盛畫一賴曹蕭

冬至觀兩宮盛禮奏御

帝運姚華協天元漢歷長三正來復旦萬壽此稱觴洛
宅均中景塗山采舊章禮文窮竹素歡意動梯航稷野
茅聯位軒筠穀向陽中天倚華闕大火敞明堂交鍛鑿

髯隊填街隱幘裝九關凝協氣複道竚清光子事蒸蒸
極宸儀穆穆揚母慈尊莫二君拜祉無疆飾喜仙園奏
薰空佛土香含飴先侑宴襲袞始賓王
窳窳宮門狄誰何陞楯卽長紳
絳拱著珍珮藹森璋樹次天開帶儲恩
斗具漿風烏迎細轉霞燎儼相望
辨御辰承蓋呼鞭輦出房雲咸薄金
石星日上旂常逸綴朱干動多儀的
馬驥麟題公有姓鷺羽客分行上宰陳
瑤爵黎賢拊脯裳祈齡後天老介福
委山穰翼翼心同竭渠渠澤載露詩

絃滿坑谷庖味益圓方盛掩鈞臺舊儀高魯觀祥深仁
跂喙逮嘉唱股肱良莠夏随天步魚龍屏戲場晏溫澄
象緯滲漉暨要荒瑞典精銷祲塗歌聖擇狂熊蘇無發
咽崖略蹈皇綱

出都赴鄭作

辛丑
歲

初免鴻樞任無庸白髮身衰年雖去國榮路尚妨人官
借苟池舊恩加漢節新鳴鏡先繡幟轂騎挾朱輪梁雪
初收臘榮波漸溢春且持寬大詔行及勸耕民

明堂大饗慶成奏御

盛節嚴周配宏模軼漢儀還因大庭敞就展合宮祠揆
序乘霜籥涓辰襲寶龜重檐開竚窳綴牖列參差蒼卽
尊圓覆嘉牲接厚祇五精均帝饗三聖侑靈嬉備物先
昭德長言各奏詩美光浮羽戚休氣冒尊彝虛次天彌
健還衡斗輒隨禮成無墜典神醉答繁釐解作初占雨
恩濃遂浹肌歡心偕岳抃赦驛與星馳載瑞催麟筆包
鋒促虎皮具臣何以報拜首百工熙

次韻和州府吳大資病愈後見寄之作

冠蓋山川舊星灰五載餘辭禁唐院使

公以病讓還宣徽使銜

麾

守舊尚書

余三改藩並敘還省坐

弓影臨觴悟舟心觸物虛塵埃

題宇壁汙潦汎杯渠

公洛中小園間為水所敗皆昔年勝跡

世事多榮悴

天均任慘舒交情非苟合筆力自雄據蒲坂軍旄重河

橋驛輟疎

三成路僻書驛罕通

歸耕年漸逼鄉思滿柴車

訪李生郊居

林下一逢迎幽人此養生歌嬉入堯壤種樹漏秦坑歲

晏農困實賓歡野饌盈松黃浮晚酒薇葉芼晨羹霜樹
榴房綻陽畦藥甲榮歸軒且莫駕孤月在山楹

皇子慶誕奏御

積德皇階厚詒孫寶訓長祺宮前祝祉猗殿此開祥即
夕銅吹律先時日抱光由來七鬯主更重室家王瑞英
隨辰滿仙蘭備浴芳已知周卜永方驗宋宗彊京甸歡
餘霈宸帷溢慶觴史臣雖弱翰行及紀元良

初春宿雨

卷七
決滯朝雲簇淒迷暮澍繁
先生斲冰水色暗夕陽原牧
孳隨歸笠棲雞占鑿垣
雲輻寒未發鴻弋暝逾喧
庭狹
坳堂隘簷高綆溜翻泥塗
采薪徑烟火緯蕭門桂偃幽
巖益蘭滋舊畹根撫柯兼擷
秀併是憶王孫

洛城秋雨

霜月無寒雨高齋伴寂寥
已能陰漠漠更自韻蕭蕭
宮
迥天低闕津長霧失橋
蘆灰迷桂暈梁屋掩霞朝
煙重
蘭摧葉風淒柳勁條
遠沉緌鶴唳輕送洛鴻飄
寶圖應

餘汲芝巖定長苗有人思舊隱歸駕不須招

從幸化誠殿觀芝草奏御

協氣流羣卉華芝茂禁庭螭蛸蔽珍構因蠹合祥經露
彩滋瓊理雲葩蟲蓋形周仁慙道葦堯德讓階蓂被曲
宸章爛傳芳信策青從臣叨寓目歡意浹三靈

崇政殿試御試貢士中是不暇食因私賦

曩聖勤周日虛懷軫睿思方圖天輯命詎恤食踰時坐
誠繁機壅居忘側景疲春賢資德飽詢善慰調飢事帝

心還小康功服更卑巍巍七百祚歸報諒由斯

寄題滑臺龍圖梅君新作西溪

遙羨西溪境鳴笳從賞頻蒲蓮應得地魚鳥更留人樹
密藏川雨隄長截路塵清移巖瀨月歡陋習家春按曲
吳歆伎酬篇楔帖賓太平三輔樂須信屬才臣

奉詔賦後苑諸殿牡丹

靈囿先春啟聯跼應候開根隨一元毓瑞協兩宮來吐
艷迎丹旭揚芬散薄埃斂烟交鈿合側露並霞杯耀彩

珠翻樹薰空蔥借煤化工殫巧意不為剪刀催

遊大明寺

總轡出西垞寥寥旭宇明叢岡森地秀飛塔恍神行惠
味霑仙露疲心識化城遠香來不斷空梵過猶清坐惜
忘機晚居慙縹組榮撫懷今古恨高世友僚情顧慕羣
芳歇徘徊極野平低雲參駐蓋寒木隱前旌風轉松添
韻霜餘菊挫英碧垂天勢匝紅上日華輕壘廢磨麕樂
池荒雁鶩鳴宮垣除凜國

偽吳故
官在此

臺址畏軒兵

建隆行
闕據其

勝踐欣同適沈憂悔自嬰理融無物我神照罷將迎
絢藻春供麗投珍佩合聲奠嗤三嘆拙聊謝兩心傾

正月四日侍宴紫宸殿契丹使預會

黼座披天幄朝簪集玉除人來重塞表年是上皇初

新時

改元仙劫有
上皇之號

萬岫移神島千門敞徵廬春雲低借幕瑤

斗近臨車露渥仙杯溢風和法曲徐劒丸爭獻巧橦索
競凌虛老柘優詞麗交竿舞態舒盤豐行炙數冠重賜
花餘瑞境儀韶鳳歡心在鎬魚太平同樂意應有史臣

書

季冬立春日侍宴垂拱殿契丹使預會

臘破寒猶在春融氣已回千祥隨寶勝

是日內出金銀
幡勝賜近官

萬壽入天杯燕駿戎輸賁虞韶律應灰樓前風著柳殿
裏雪裝梅妙戲魚龍出歡心鳧藻催欲知邦好永奕世

會釣臺

自先朝以來通
好今再世矣

郡樓望嵩少作

曠蕩三河澗東西二室連埋雲峰樹短抱日嶺霞鮮黛

歷周南野嵐薰輦右天崢嶸元氣外磅礴太虛前斜麓
橫包壑傾崖碧逗烟巢荒竟客隱笙斷洛儲仙夙尚臨
風結幽懷素里縣功名青史後才器散樗邊整頓登山
屐發題煉藥篇采芝應有路種玉得無田喻指存真契
如灰息世緣寄聲鸞鶴侶千載共來旋

和參政丁侍郎從駕出獵

詔蹕承冬令郊畿闢狩場鈞陳來作衛衮服正騰裝表
野千旌合舒圍萬騎張清塵風效職捧轡日呈祥寶時

遙驚翟天弧即射狼林空平陸陰雲斷見鷹揚猛圍聊
夸漢恩羅遂祝湯數功浮白飲均惠割鮮嘗別苑黃山
外仙城北斗傍輔臣忠力盛餘思滿雕章

見白髮有感

昔人三十二已賦二毛悲況乃踰強仕何能怨始衰星
星簪外出冉冉鑑中垂顏負前丹渥心驚故石移袁公
憂漢室蜀客問湘纍此際重搔首孤懷君詎知

元憲集卷七

欽定四庫全書

元憲集卷八

宋 宋庠 撰

五言長律

賦風 得仙字

噫氣含朝籟，離星動夕墀。
威靈隨漢筑，煦嫗上虞絃。
清拂蘭臺客，徐飄鄭圃仙。
來應憑虎嘯，去不待蛇憐。
塞外淒天馬，林端飽露蟬。
入松和韻古，轉蕙逐光妍。
黃落汾

睢地悲歌易水天如何箕頽上獨取一瓢捐

新晴

夕霧休殘雨霏霞側半輪溪河雖早夏隴麥尚餘春灰
月收全暈泥龍落故鱗高花樹端濕芳篠籜梢新雷去
壺猶電風來扇未塵橫琴聊坐嘯何必墊游巾

大寒夜坐有感

河洛成冰候關山欲雪天寒燈隨遠夢殘歷卷流年杯
共芳醪凍簪依短髮偏毫釐九牛畔頭角兩蝸前冶外

金休躍山阿溜或穿飄人誰怨瓦使鬼尚須錢招隱芝
巖路盟真玉笈篇何當坐清潁閒洗世中緣

留臺吳侍郎時泛小舟臨玩清洛輒成拙詩奉寄

聞有滄洲尚時時清洛濱烟波能弄楫沙鳥不驚人佛

髻寒排岫

東瞻
嵩少

星橋晚跨津

西泝
天津

湍鳴知亂石漪碎覺

跳鱗玉几停餘劑華纓濯故塵今無李元禮

李嘗為河
南尹與有

道同
仙袂許誰親

輦下寒食

舊節雖龍忌中都富物華有行官戶柳無數苑墻花飲
市喧銀管優場隘幃車街塵盤馬燥樹日鬪雞斜跼鞠
將軍第吹簫貴主家金丸隨落宿絲障亂朝霞水暖船
爭旆風長鼓應笳池邊人酩酊殿裏客伊亞

烏加
畫卯

賓盤盛香糜賜品嘉只應王澤厚行樂徧天涯

過留臺吳侍郎新葺菜市小園

解選幽棲地園居壓野開清風無近至

東望風烟
特為虛曠雙派

即同來

二水夾流
合于牆外

度約幽人屐臨渠醉客杯倒根檉擁

岸初籜筍穿苔溪石行堪釣沙鷗已罷猜宵游應更好
長負月徘徊

小園

節物過芳苞幽奇勝近郊先秋蟬棄甲背歲鵲營巢池
小萍周岸筠低露泣梢標梅資宴豆賜臙佐晨庖夕塢
禽聲亂芳蹊屐齒交茂叢羅宅菊長柄庾園斲尸竊虞
官謗嘉肥媿邀文披襟時一至未塞學心茅

次韻和吳侍郎佳雪應祈豐年有望

使節馳羣望神休答帝祈同雲先北合餘霰遂西飛近
野銀開界遙山玉吐輝梅飄知臘破絮舞誤春歸謝市
人驚麴曹風客比衣稍添波面白併作土膏肥苑澗沈
蒼霧川明失素磯獵場漫獸迹農畝罷民歛興覺龍沙
接寒將裸壤違光迷梁日曉潤息甕畦機仙壑誰連袂
幽蘭更撫徽恐應緣麗唱歡意徹天扉

次韻和張丞相攝南郊喜王畿大稔

上哀躬祠節鳴騶出禁城傳霖前灑潤堯壤徧深耕野

色華無實歡謠斷復賡民依大鈞播政絕侈心萌秋斂
蠲徭版鄉鋪竚醉覓露黃開徑菊霜繁落園荆蹲芋連
區熟飴茶蔽濕榮日圍銜漢苑天極抱秦京聖旦千齡
會時功萬寶成福釐前席問元首載歌明亮采神龜合
摘文瑞鵲驚徒慚下里曲仰頌泰階平

從幸翠芳亭觀橙

秘苑羣芳歇仙橙瑞實黃根非淮枳變味冠禹苞嘗宮
掌遙分露卿雲別護霜金垂枝杪重星隱葉中光土效

無偏色天吹不斷香臨觀回羽葆交薦佇瑤觴給客誰

矜蜀

郭璞蜀記有客
橙以為珍異

論都謾記穰

而都賦有
穰橙鄧橘

堯仁均異

賜休氣滿簪裳

是日折橙于
樹徧賜從官

從幸飛山教場閱武奏御

武節遵時訓神鑣御素秋天風掃閭闔星氣射旄頭士

肅先庚令民謹截路謳雷車翻藺石並矢裂熊侯旂首

疏千隊金聲勒萬駟較能觀樹檠超力賞亭樓爽氣生

威武皇歡入宴羞垂紳參注鞬凱樂間鳴球雲夢誰夸

獵岐陽枉議蒐欲知神武世七德共凝猷

集賢張相國誕辰頌德十韻

顯印傳侯刻北編翊帝圖還生王國佐來煥泰階符瑞
紱雙嬰觥祥蓬四射弧從龍叅震邸附鳳入星樞嗣正
調元席宏開造物爐儀刑瞻魏采勵翼矢臯謨穆穆資
同體拳拳避碩膚誠雖貫霜雪誠甚勒盤盂師石岡為
壽仙春道有腴欲知難老意八柱與天俱

參政東平侍郎誕辰紀德

仲冬三日
壽吏簡

帝業資寅亮鴻鈞翊太寧天開鈞璜胄家襲降崧靈復
九萌陽筦生三瑞砌冀毓賢茲表日衛世遂傳經覽德
重光旦參機茂宰庭羣生倚舟楫萬化入丹青坐納藏
山史追論象服刑真廟史法天聖
格令公皆總之前籌罄中悵吉棟石
基扃國竚汾陽考人祈衛武齡孤心知所嚮帝座六符
星

故相國沂公建設學官實寵茲土近聞生徒寢盛
姑復慰懷因成拙詩一章奉呈州學官因以勉導

來者

舊學開宏構斯文聳與區由來漢丞相善教魯諸儒自
昔升堂訓于今避席趨照函經滿帙繪壁禮成圖集講
占庭鱣懷賢詠谷駒道存終拾芥聲濫或逃竿一簣宜
無止連城莫自沽育材真益樂希聖乃顏徒寸晷堪輕
璧繁英慎奪朱霧蒸還作市風至即名霄曉圃林如泮
春郊水是洙從茲弦誦地不復嘆榛蕪

講讀春秋徹篇侍宴崇政殿奏御

金
卷八
睿覽凝星壁才儒集露門披經窮魯記摘句辯堯言曩
例褻成袞先猷化啟源香雲收寶裘甘醕漑慈樽飾喜
韶音縱均和玉色溫史臣叨偉觀炙行願殫論

正月望夜侍宴宣德門呈昭文富丞相

帝闕開金狄仙輿下玉京建春天上斗不夜海邊城拂
火依山出星榆夾道明清塵隨漢蹕紫氣護軒營皓月
樓前近鮮風仗裏經烟雲供瑞色簫鼓獻謹聲梵宇千
花落祠光衆雉驚宸儀收寶扇台座冠朝纓客守宮門

燎雞傳徵署更皇杯頻矚勸應為泰階平

下元日扈蹕朝拜景靈宮

令月開真館宸游薄太霄躬行原廟禮更作藥宮朝寶
扇森排羽仙輪恍御颺霞觴浮桂液瓊饌薦芝苗日霽
樓先曉天深樹不凋繁禧將浩劫世世會楊寥

案秘要
仙經仙

宮中寥陽之殿此
云楊寥未詳其義

苦熱

溽暑南方候貞光大火天流金空畏日墮水忽驚鳶掌

露涼難挹心瓜疾未蠲鵬妖卑濕地魃虐蘊隆年虛谷
全收籟焦原欲出烟洪爐方扇物何處預陶甄

庚午春觀新進士錫宴瓊林苑因書所見

秘苑儀星地羣英得雋年飛綏鯨浦右供帳斗城偏表
道槐陰直凌氛柞影圓叢楹開玉宇華組會瓊筵湛湛

融君渥渠渠獎士賢銀璫尊右席

中貴人
主宴

綠幘佐雙蓮

太官先置飾喜優坊伎均恩醪禮錢

諸君子合錢以勞
供帳優伶之費

沼浮

澠酒涂坻聚舜庖羶場迴歌聲合風迴舞節妍柳疑添

紺幄鸚解啄鳴絃臣藹心傾日需雲象在天綈囊齋睿

什

中席使者以御詩馳賜

鈿軸照儒篇

復鑄印大學儒行二篇以賜

寶思垂霓

爛歡聲抃岳傳珍臺紛塞產翠氣浩宛延

此以下並述苑中池上景

物之盛

池訝陽烏浴橋疑漢鵲填千夫拔河索三令奪標

船帳殿滄波匝鉤梯複道連瑤甍軒鳳羽雲島壓鰲顛

犧觥馴靈囿天蕤蔽大田江頭拔蘭紫林下摘櫻鮮玉

藻初盈沼神芝欲冒塵陽溝連禹洫陰石駭秦鞭冰靜

思魚出園空瑞鵲旋繚垣包井落別渚上風烟金埒爭

鑣地球翳射雉阡去輜雷遠陌歸袂藻平川乍集儲胥
外還經馭娑前子雲嗟寂寞無思狀甘泉

初夏三司直宿

薰序更朱簫宵弦落翠裳

四月下
弦夕

人同散騎直天與大

夫醒

予性
不飲

鞅掌曹留事羈孤坐刻銘整冠誰辨謗隱几

獨忘形夜色先歸樹涼颼欲破櫺鎖扉來疊鼓卷幔入
疎星綵羽依枝倦飛花墜席聲憂沉雙蝶夢病學一熊
經道有支離栗心無屈曲屏汰沙如未及擬殺著書青

漢上春雪

繁霧乘陰結寒英
匝宇飄風催洛妃
舞春伴郢人謠逗
浦添珠媚縈叢掩
柳嬌樓空先月白
野濶助天遙稍傍
魚冰合還依雉隴
銷一樽無與晤幽
思滿蘭茗

從幸儀鳳閣觀雙竹奏御

曲密叢楹地檀欒
瑞植場靈姿紛並
秀圓節儼相當聯
景知宗茂同根識
幹強翠浮睢苑日
寒待帝園霜合響
天供籟分枝玉薦
蒼即看蕃寶實儀
鳳就徊翔

送司馬待制守河中

久貳甘泉計新陪丹府遊天深巢鷗閣地重鑿龍州驅
弩軍裝盛依蓮客藻道別魂驚黯黯循政佇優優舊時
連睢遠長汾抱晉流幼農知俗美虞畔記耕疇

宿退卧廬

晝訪殊無補晨趨敢憚勞官班唐內使文牘漢諸曹公
吏何嘗案邊兵久罷鑾驛沈書插羽朝絕法吹毛殿樹
秋陰薄仙盤旭景高君恩如許重聊比戴山鰲

度支蘇負外者以再續翰林志見遺輒成酬贈

先烈光朝右英才出慶餘公卿太邱世父子馬談書首
牘標宸藻聯篇敘禁廬摘華毛得鳳刊畫魯無魚當備
芸籤目俄昭甕牖居漢家求異說高致掩虞初

宿鹿門寺

寶刹翔駕地靈祠刻鹿門天風奏林籟海日破巖昏轉
眩三休閣莊嚴兩足尊峰回徒覺秀瀑遠不知源花拂
談經席蓮沈記漏盆道場欣象伏心境息猿奔逗理機

金少府人言
如電觀空性復根三車俱有路何處駐歸轅

自訟一首 并序

余自洛移許公餘有宴坐之勝偶感曩事多所
悔尤類非他人所知因題曰自訟

右輔朱轡守南宮革履臣孤螢難助日病木獨依春暗
懦疑蛇客愚忠數馬人誰知溫省樹自誠魯堂紳監令
車中席江山扇外塵何當能挽我初不彊均茵事往方
成悔猜除且瑩神由来矜百鍊從此惜千鈞素髮慚華

冕虛舟謝要津洗心良有謂佞佛不無因案上仙書局

真誥謂書一
種為一弓

齋中梵艷中更須窮僻地香火報昌辰

郊報紀事奏御

陽燎修鴻報齋居祓至誠還登八觚時親用一元牲瑞

月隨黃屋

車駕始至大次而雲
霧銷寂月色輝澄

鮮雲抱紫營天香浮玉

帛霄籟避咸英

車駕入帷宮風已前息至
升壇樂作而纖埃不動

陟配文交舉

景祐二年三聖並侑
今始以太宗陟配

來同福備成均休敷愷澤冠朔讓

尊名

遇者許以寶元政冠徽號及
肆赦則因用紀元以示懷德

喜動吹葭氣歡流決

宇聲空參堯壤末試頌泰階平

大禮慶成

帝揆三微歷郊嚴七里壇對修清廟饗來接上神歡閭
闔開金狄鉤陳危玉鑿軒游葩蓋密漠兆紘營寬電策
千駟躍雲柯萬戟攢清塵風命伯占表日名官瑞羽叢
齋邸仙瓊飲露盤啟毛牲辨粟啐爵醑浮蘭合樂迎天
籟高煙破夕寒六飛回左御雙闕敞南端雍鷺翔賓紱
星雞集赦竿即時恩作解先此化勝殘善頌康衢溢鴻

名寶牒刊貢圖色禹計王業詠幽難戶有更錢復朝無
賞印利史臣叨從祀宣美愧濡翰

元憲集卷八

欽定四庫全書

元憲集卷九

宋 宋庠 撰

五言長律

後園秋物

秋水清能淺秋聲斷復尋
衰荷欹似扇新菊碎于金
蘂熟猶垂格藤乾倒附林
日光寒轉淡山色遠彌深
索索羣芳歇幽幽妙慮沉
薄言謝病晚悵望邱中琴

寶鑑

寶鑑驚沉影仙軀鳳翼軀腰輕時待舞眉細不藏愁洛
館迷羅襪秦桑露桂鉤電微開笑靨珠滑入歌喉百子
宮池暮千絲越網稠生香徒辟惡纖草未蠲憂燭短鴛
鴦被更闌翡翠幃月寒喧藥杵海濶漾霞舟公子常逢
燕星姬鎮問牛彫胡容一薦溝水自分流

河上歲晏

久覺宦情薄何堪星歲徂冰魚寒不動沙鶴晚相呼日

短揮戈舍天閭造物爐河澄諸浦涸山禿萬林枯感為
中來遠心因不倚孤虛名三品祿懦政五州符稷契熙
媯祚蕭張翼漢圖曩賢真命世今泰劇非夫狐偃腥臊
肉隨何腐爛儒是非均一馬多少任雙鳧念老歸歟嘆
銘恩叢爾軀風聲猶栗烈酒意近屠蘇薛縣能琴客桓
家善笛奴歌吟聊自適何必矢嘉謨

詔下有感

釐席思賢久公車下詔新金酬燕市骨蒲裏漢家輪署

行鄉論秀觀光國有賓臺招能賦客關識賣符人三府
催偕計諸儒待聘珍揆天持筆距連袂照袍銀丹穴皆
來鳳靈淵並躍鱗請行多下客答策有平津榮路爭高
足孤生最濫巾一鳴方及旦六律肯遺春類鵠猶煩刻
成龍不懼真縱無清夜誦猶繼壤歌民

次韻和吳侍郎自號樂城居士

世有生賢運人歸得性場

沈約閒居賦有得性為場之語

朝端慕安

石民里祝庚桑蛇影逢真悟龜靈取數長仙畦種芝圃

佛室雨花牀寄傲多行樂觀心或坐忘柳溪能作暝竹
塢別供涼慧露霑僧飯幽霞照客觴臯夔真有自箕顓
更相望留務尊臺簡私游費橐裝側聆圖任切安得久
徜徉

禘饗禮成

孝饗邦儀重親祠祐室開推尊二祧合獻力九賓來寶
蔡前涓日祥雲近弭災

宿齋之夕小雪應時
行事太官景氣澄霽

鈞陳嚴法

仗緇蕝謹容臺祓坐皇為卽登車斗轉魁三辰隨藻袞

百末湛雲壘徧裸靈心像終歌帝祉墮華紳紛嶽抃端
闕儼天回蠅筆言絲慎雞場赦鼓催好生先祝網作解
遂成雷賁有羗邱帛刑無棄道灰須知蒙福意萬事入
康哉

西都官屬咸備尹政得以仰成暇日池園便同塵
外因書所見以志一時之幸仍以東園吏隱命篇
云

誰謂留都劇翻同小隱年沐頭休吏日閉閣讀書天竹

町能依沼山樓解納烟癭牀閒擁腫

禪庵癭榻尤奇

荇棟自連

蜨

草堂在東南隅

岸濶沙留鳥波平樹繫船雨荷朝索重霜果

佛脣鮮玉甃浮杯地

流杯二亭

冰涵給釀泉

醞庫井絕甘涼府中號冷泉法

酒處陰靈蔡老

舊養龜于圃錢文信愛之給二卒以守傳云三十年矣

背塢晚麕

眠

二虎甚馴

奕思纔知路琴歡肯要絃

葛洪不知奕局幾路陶潛但畜素琴余于

二物皆前賢之比也

扇聲方越外屐齒野橋邊宮鈴雖尸寵巖廊

合避賢有恩淪骨髓無術効埃涓圭祀田供粟公餐月

費錢不知瓜代滿癡尹戀山川

正月望日車駕謁會靈觀置酒祝禧殿

上月神燈節年康警蹕遊蒲池渭陽廟銀闕海中洲羽
扇排雲出颺輪抱日流徧升均瑞祝合宴寵靈休畫展
霞明坐春山彩作樓鸞歌參帝樂麟脯助皇羞斟酌竟
衢飲驚呼漢殿優天襟知衆樂處處駐宸旂
景靈等宮相
國慈孝佛寺

是日復幸
祥源上清

求遺書

崇政殿御試貢士求
遺書于天下因私賦

政草泰餘暴文興漢德優中經雖並集逸典更旁求使

節褻遺訓儒林補大猷家無藏壁恨人弭挾書憂探穴
資遐覽燦藜竚對離因斯流略盛終古冠緹油

醜石

磊落離幽壤沈潛莫記年支機形迴出蘊玉勢相連空
穴雲猶抱坳紋溜欲穿虎蹲休怯射羊叱待逢仙峭拔
希千仞參差異一拳詎聞輕宋璞可要逐秦鞭翠峙晴
軒影寒生曉檻烟到公碁未勝張顥印虛傳齊碣思間
館圮橋意舊編何當成五色鍊質補媧天

登龜山上方寺

雙樹遺真宇青鴛切截氛路盤千嶺出鐘逼九天聞林
影隨崖斷泉聲遇石分曉風先得日春崦易藏雲佛果
當軒落仙苗護砌薰客塵聊自拂稽首貝多文

官況

發策非鄉秀瘵官玷郡聯恩深育我誼技薄戴盆天病
骨三鍾粟銛鋒一割鉛懷能真龜鼠惜已甚寒蟬吏笑
移書卧人譏面壁禪曹符憂倥偬邑教昧平鑄席上巾

釀酒齋中易絕編
隙塵吹曉日
甕隧引春泉
戒養聊罄膳
將蕪敢命篇
區區犬馬志
何術謝陶甄

次韻和侍讀梅學士秋雪

秋宇霜華極
翻成暮雪飄
影迷宵桂滿
氣助海鐘調
梅蕊裝宮樹
蘆花著浦苔
喜延梁客酒
愁徹洛人貂
碧瓦千溝麗
銀塘一色消
雅篇工狀物
精思入參寥

對雪有寄

芳歷崢嶸歲
平臺沆漭天
初驚飛礫集
坐覺雨花妍
未

夜珠還乘非春玉作田何嘗甘絮後正是占梅前亂影
都難擬幽光只自鮮辟寒金貯屋障淖錦裁韞回旋凌
波舞輕明飲露仙去應迷粉水來欲助瓊筵有浦皆捐
珮何牕不列錢幽蘭君自許儂意怯么絃

郡齋對雪

節晚雲雖暗年豐氣自嘉乘寒初集霰向夕遂韜霞緩
舞先縈洛妍歌不待已無聲來物表一色共天涯露失
仙人掌春驚驛使花拂簾珠浙漚裝樹玉查牙護石雲

漸素開樓月讓華海邊鷗誤客遼左鶴迷家
粉液塘冰厚瓊苗隴麥斜中邦盈尺喜何必問龍沙

夏日出池上

節候春雖往年華暑未殘蓮香開佛座竹老退劉冠
戲渚藏頰尾鳴臯濯素翰莖葵紅不一蒲稗綠多端
宜物心無對深根氣自完功名俱畫餅虛玷擁旄官

清輝殿雙頭牡丹

禁籞含暉地春英浥露天萬柯蒸協氣雙蕤應祥
篇縹

日香彌酷乘風艷欲然
聯葩宸屋外交影帝觴前
詠掩華跗秀名均紫脫妍
朝綏歌茂貺聲冠億斯年

瑤津亭同窠雙頭牡丹

太宇星津曲靈葩帝園中
丹房忽三出寶艷更雙融
采絢仙囊露香翻沛筑風
柔祇寧愛寶元化自為工
草讓中唐瑞蘭嗤下畹叢
甘泉宸象洽無獨賦青葱

送荆南李學士

逢旦光華盛登賢命數優
郎星太微後史局道山頭
違

咫尺心屋疎藩禹貢州使旌飛隼出臺劉偃波留舊賜
薰蘭被新裝曠弩騶陝分歌名伯屠餞寵韓侯澤國龍
為節桑郊鹿並輶齋中無煨酒鈴下識輕裘鹵簿分賓
帝江山入宴樓蜀波餘梯畫楚野惡氛收後乘追文學
先春名督郵漢何敞為政高寬每
立春日名督郵回府暫稽華黼賜聊聽昔
襦謳父子雲屏隔鹽梅寶鉉求歸來循吏政終古冠緹
油

夏日對雨

岑寂省廬幽諸曹吏始休空烟催樹晚急雨借庭秋暮
影層波動簷聲萬綆流縹緲明疊蘚圻徑聚浮漚亂濕
緣虛隙微涼襲翠幃拙艱無寓直潘鬢怯搔頭

從幸親稼殿觀新秧稻奏御

宸扆尊農扈流池入禁廛耨區周耜熟分墦禹溝連萼
萼香塋色油油瑞畝烟弭災消暴蟥迎稔嘒鳴蟬國佇
曾孫稼天臨近署田叨陪凝蹕賞慙乏夢魚篇

送刑部葉郎中出牧姑蘇

星紀吳開國雲司漢望郎新陪豹尾乘

大詔恩同陪便襲

虎頭囊竹箭分兵契鍾官辦使裝

賜裴錢二十萬始為恩例

苑鶯留

祖席江鶴避歸檣世往高臺露春餘野徑香欲知民樂

意訟樹接維桑

公先聖在雲溪與蘇臺接境

訪宋氏溪園

偶作城隅逝

園在郡城之左

居然物外期林風瓢易覺山雨石

先知藤老猶依格溝斜更會池看蟬琴誤曲過樹路成

岐節近吹花酒歡留敗襖蒼主人名族後嘯竹客忘疲

金少府人
君故僕射文

卷九

安公之子

仲微殿丞以余多難退居洊貽誨問復緘新什以
勉病軀扶力牽課聊抒謝懇

樸邀參邦彥幽憂負主恩投身采樵路脫籍上車門病
肘垂楊老塵眸覆鑑昏於陵三咽味楚澤九升魂喘甚
吳牛億名非衛鶴尊簞瓢舍桑客井臼寄孥村引重繫
心照銜哀託涕痕餘生何足問姑學牧雞豚

秋日出沐感懷

落落窮閭靜蕭蕭晚歲昏臣飢徒索米童小未應門清
世為塵誚私家出沐恩斗回非挹酒天遠詎兼盆腐爛
翔鵝鼠青黃斷木樽容容誰覲福栩栩自交魂衰柳空
烟穗寒苔疊雨痕鳴蛙沈故沼噪雀戀空園有客嘲黔
突無人賞負暄終期六百石初服臥邱樊

夜出芙蓉堂

北沼涼歸早西軒火正流螢光偏愛夜蛩語最知秋好
月因雲暗清風為樹留烟來昏翠幙霧下失滄洲河轉

疑天側星回恨歲邁唯餘雙鶴唳不減到林邱

夏日久雨

澤國梅蒸早郊雲泄雨多陰泉湧階穴重霧宿庭柯月
魄藏仙馭山頭洗佛螺朝虹飲江曲夜電發嵒阿纖簑
清初暑香窮辟舊疴官閒門自靜不為翟公羅

參政李侍郎宿齋中書累日不陪歸馭因成拙句
奉獻

攝饗蠲祠令精心屬輔臣齋房貪結佩歸軾阻均茵鵲

鼎庖羞潔雞枝殿樹春坐凝虛室白行被大宮神政竚
疇咨若朝瞻已事竣三秋懷盛德方信採蕭人

和運使王密學見賞公醕

公秣豐秋釀兵厨潔燕壘如何勤使傳不許醕離杯使旌

薄幕出城飲餞皆略蟻甕方涵液鳩滕幸載醕歡游雖暫隔飛藻

已先回左手螯初美東籬菊尚開故人寬禮分一笑竚
行臺

陳州獻瑞麥圖奉詔作

堯壤環中甸周難冠百昌時均十雨潤天報兩岐祥善
氣滋繁粒薰風擁翠芒初疑禾異畝更覺黍非香獻狀
宸襟悅披圖國頌颺史臣誰汗簡休應譜斯箱

太一奉祠夜即事

天極三元會星精五福游神光來集夜邦祀此迎秋
獻森威節嚴真照翠幃醴觴瓊借液牲俎麴為羞藥簡
空歌續金支寶燭流宰衣紛曳繡僊裾儼居樓降格雲
頽席歸歡電翼輶種祠知漢德時介萬靈休

送給事俞學士知宣州

駸議東曹重修書秘府榮緣何厭廬久便作偃藩行戒
道熊文戟騰裝鶴膝兵竟雲迷闕曙淮雨破舟程竹契
將恩遠江波共政清向愁牕岫好誰賞謝宣城

舍人院觀御篆紫微閣榜賜宴奏御

近署新層構仙跼錫寶題凝章下天漠布畫儼星奎榜
勢虬檐負繒華鳳押棲崇儒推宴豆觀象聳朝闈九張
需雲洽三休賀雀迷從茲河洛興併在紫垣西

重陽節王津園錫宴

紀節符陽序承恩出上闌
廚均堯脯膳優集漢觴歡紫
菊吹花耐丹萸辟惡九秋光
浮翠帝雜蕊珥華冠宮樹
遙分柞林苔且辨蘭神池翻
瑞鵲帝竹隱歌鸞烟闕雲
中見嚴城斗外看欲知人意
悅霏霧滿歸鞍

元憲集卷九

欽定四庫全書

集部

元憲集卷十三

詳校官監察御史臣李陽樞

檢討臣何思鈞覆勘

總校官進士臣程嘉謨

校對官編修臣勵守謙

謄錄監生臣黃紹伊

欽定四庫全書

元憲集卷十

宋 宋庠 撰

七言律詩

池上春物已爛漫寄東甫

春物昌昌曲沼門已宜留客置芳樽
柳絲到地烟無力
花臉迎陽露有痕
歌待瑤箱驚幕燕
舞留紈袖付庭鶻
清明元已俱堪會
莫遣香槽玉液渾

齊中酒名玉液者為上

漢上春雪呈郡太守

春草江南瑞霰霏
溪山千疊共清輝
林繁不辨妝梅落
川秀空疑月蚌歸
夕苑縈叢聊自舞
橫塘拂水更低飛
民疇脉債農祥近
壤有堯歌絕晉飢

贈職方齊員外

霄極郎星護帝垣
出分魚竹袴歌喧
郵通五尺秦人道
吏擁雙朱漢守轡
粉闥荀香虛舊帳
鈴齋渝舞醕清樽
歸來何處應嚴召
振鷺神庭鑄馬門

春季開無畏靈塔祈雨至夏初霽洽

春晦西峯鴈塔開香雲清梵徹昭回初疑咒鉢降龍出

終似軍持注水來

師嘗請雨見觀音大聖在日中手執軍持注水于地軍持華言淨瓶也事

具李邕叔碑

百穀根莖流慧潤四郊氛祲卷暘災守臣無狀

均靈貺如驗元非贊燮才

五鼓度洛水謁九龍祠禱雨馬上作

跨陌津橋十里亭前踰橫絕犯嚴更銀河蕩漾斜垂地

瑤斗闌干倒倚城苑澗樹頭迷闕影川長烟外認灘聲

農疇閔雨心祈切上盡叢祠日未明

龍祠在洛北絕高處

未曉出城陪州長考功李員外禱雨大悲禪刹

城上繁星五鼓初江臯申禱訪精廬林回半隱翔駕刹

野濶平飛畫隼旗十地真容陪合掌

記傳此像乃唐時神人所畫經今二

百歲如新俗疑菩薩之真相

百城甘澍待隨車先秋閔雨農心樂宜

在麟編直筆書

次韻和龍圖何學士以榮憩鄉州有感舊見存之

作

昔歲西都餞使旗，今茲何幸復相依。
潁川士族占星聚，

君諸昆羣從

遼海鄉人看鶴歸。
乘塞惠風消戰略，論文

許昌雋望

精辯破談圍。衰翁不敢言恩舊，但惜忽忽別袂揮。

題鄮城張氏林亭

今樞府
舊隱

里占西豪族望雄，一隅幽聚揜隆中。
彩鴛戢翼高梧在，蔚豹成章舊霧空。
冷接安齋投轄井，細生吟榭快襟風。
謝庭羅宅資真賞，蘭有清芬菊有叢。

夏日北溪亭上

義輪亭上爍炎威溪上軒牕匝翠微野澤蒲深初類堞
壞垣苔老半成衣爭花晚蝶縈叢佳避弋驚禽截浦飛
一粧雄風消內熱高門無意事輕肥

次韻和吳侍郎洊貺雅篇

雋輔西還玉體痊銀臺歸興且陶然談經寶序常迎日

講筵在迎陽門西之西序膝席清司最近天資政殿在龍圖天章二閣之間深嚴第一君

拂翠綈朝右貴我驚華髮鑑中鮮洛都巴徂雖求舊莫

累陽春一種傳

僕嘗因寄詩龐高二公為匪人告謗今蒙垂諭云洛中酬唱人多傳誦無乃更

累清
唱耶

次韻和資政吳育侍郎見贈

台階抽得冒榮身且喜西都見故人
儀世瑞鸞曾接翼
君兩使內樞一叅
大政僕並叨陪接論交寒栢不知春
樽前高意青雲舊

鑑裏流年白髮新
爭奈詔書催上道
談犀從此日生塵
次韻和新命留臺吳侍郎自適之作

謝病彌年歎偃床
知君靈氣本無傷
論筌自識忘筌意
失馬終為得馬祥
心到不貪方是寶
物歸何有即名鄉

西都老尹歡迎近預喜遙臨照席光

送竇負外失職掌廩于沙苑牧監

竇君江左人有別墅在關中

平臺飛雪欲成花有客西征感鬢華
內史江尊空入夢下邳羅雀此還家
鴻聲不斷關雲黑角弄初休隴月斜
駟牧未妨稱吏隱田園自有故侯瓜

送謝屯田徙治富順監

綠髮仙郎冠譽髦墾田分土漢家曹
詔頒紫檢瓊芝熟歌闌青天劒棧高
巴蜀溢盤餐畫餼鄆筒環席薦春醪

西征自叱忠臣馭千古王尊直筆褒

坐舊州驛亭上作

亭下是梁山
泊水數百里

廢壘孤亭四面風塵疑身世五湖東長天野浪相依碧

落日殘雲共作紅漁岳回環千艇合

泊中漁舟數百艘
各擊瓦岳以驚魚

然後衆舟
若合圓狀

菴蒲明滅百帆通

泊水無岸行舟多穿菴
蒲為道舟人謂之蒲巷恍

然歸興無人會閒向青冥數塞鴻

送石舍人賜告還鄉

內史清班近侍臣過家恩告曰俞新郵中別夜星催曉

殿裏歸年樹約春

還朝必在
東春矣

幾日詞垣棲健筆九秋朝

橐冒征塵西州歸馬歡迎處定有臨邛負弩人

和吳侍郎自陝歸闕

幾日星催召節飛迎車千蓋溢郊畿秦城壁返蠅休汙
軒閣巢高鳳始歸兩憩甘棠歌美化重攀溫樹悵流暉
因君更感忠虔意夕夢翩翩遶帝闕

送伯中尚書學士歸闕

故人同省復同班且喜先歸奉帝鑾居守乍拋留宅鑰

造朝重拂寶梁冠
仙楹夕霽通廳駭
祕廡晨暉轉露盤
我有寸心空戀主
捫膺難把向君看

酬王拱宸侍郎歸闕見贈

儒譽由来服搢紳
更煩餘略霽邊塵
威留玉帳時無戰
班入金華地最親
昔看草辭知大筆
今榮除館識嘉賓
一章求舊人知否
媮俗都融郢曲春

送虞部元員外赴闕

泥檢封香喬露濃
漢庭新冊潁川功
朱轡按俗麟符郡

金夕月令
卷十
青被為郎斗籍宮儉幕卷雲賓履隔郢樓翻雪餞壺空
明光伏奏前期近備對芳蘭溢握紅

送苗郎中出漕江西

幾夕燒熏歇被綾東南使部望前旌武泥給板言如綽
漠庾臨波粟似京露橘千頭豐歲籍江鱸百尾飫盤鯖
計籌借爾煩經畫囊橐行看用老成

和致政王子融侍郎喜昭文龐相公登庸

感會由來屬雋賢誰知出處更相先蒲且卷戈冥鴻日

荀令開池浴鳳年
佚老疏金催具酒
濟時商楫正橫川
高風盛德俱難狀
留與名山信史傳

送職方張員外領荆湖北漕

粉闥仙郎鬢未秋
懿文精力允僉求
新榮臺忌祠神館
君頃受詔建太一宮于國左宮成而拜是命
更按喬卿露冕州
楚匭貢茅紛

騎置蜀艘移粟蔽江流
富人緩役承平士肯學研桑苦
運籌

送孫刑部領漕并部

金史四庫全書
卷十
百舍星文動使軒漢家初賜辦裝錢犀株衛帳并兒勇
鵠髮迎塗絳老賢歲稔萬箱資轉粟時平三策罷開邊
中宸圖舊恩方渥幾日從容武帳前

九日南陽與諸公會

慄慄霜華六幕空
丹莢成佩菊芬叢
香浮彭澤仙巾酒
影落龍山宴帽風
詩筆娛情真泣豆
舞腰回節更驚鴻
夕陽曉榭愁重顧
不見春陵舊鬱葱

無題

西峙東流意欲分
紫簫呼鳳隔烟聞
書因屢答機無素
夢為頻驚峽費雲
羽帳枕寒晨未轉
玉樓衣冷夜還薰
琴鳥一曲何曾聽
七十鴛鴦失舊羣

詩寄河陽夏侍中

勤勤書札問青氈
鄖水逢知似曩緣

方外之談愚不敢
執輒寄疑似以銘

幸會也

海燕不忘棲厦日
霜松寧有改柯年
陪京玉節諸

侯上坐省華貂
百辟先朝夕
公歸領冠劍
定應偏作故

簪憐

和答并州經略太尉相公元日見寄

邊亭春色感離居猶記衰齡本命餘

公自記年踰本命引劉白相賀之篇

足知意愛之厚

樽味阻陪曹相國帶圍空老沈尚書

僕每移郡俱即進秩

六曹尚書今泰五矣

軍中鼓吹千蹄馬

將府勇重

物外風烟一壑魚

袁懷

所嚮

幹棟不材須適分願公容我作莊樗

贈潯州朱祠部

粉署郎潛已十年囊毫奏議委千篇恥論頗牧雲中綬

去詠齊夷海國泉路控驛疆逢瑞翟氣收炎浦見飛鳶

鈴齋宴坐真腴盛幾種天花落帳前

公妙達空諦而薰習持誦高于當時

笑

次韻和判曹韓學士見賞湖山

西溪本慰寥寂人何幸開樽枉勝賓一岬仙山平壓野

岸西遠見蒿少近見具茂大隄

兩陂官柳綠圍春我雖酩酊能騎馬君

自風流偶墊巾更愧和篇尋故筆試開荷索久生塵

小園秋思

年華搖落自騷騷衰境牽人更畔牢月裏驚烏愁夜永

金
卷十
篋中團扇恨風高烟霏曲雷蜘蛛織氣襲空階蟋蟀號
恩重才疎歸計晚可憐身世一鴻毛

三月晦日夜坐有感

城頭吹角亂昏鴉坐敞空樓感歲華遙電不知何處雨
狂風還送一年花洛橋楔席隨流水箕嶺仙巢倚暮霞
出處半生雖未決歸心常傍故侯瓜

送廣州劉掾

督府迢迢瘴海城掾曹三語藹蘭馨歸郵託信梅華暖

仙劑蠲疴薏子靈蚌月射樓吟思苦難潮驚枕醉魂醒
外臺誰舉沈僚俊編著黃堂有政經

溪齋春日

問君何事拙謀身竹塢溪齋養鈍人白鷺儀形閒照水
野鷺言語亂嘲春半生已悔嬰朝絃萬境方將付客塵

自笑經旬無宴具對花孤坐嚙瓊津

近有客教予餌氣
之術暇則為之

奉和御製賞花釣魚次韻和賦

時在
滎陽

祕苑神池帳殿開鈎陳遙衛斗車來柳舒瑞霧迎仙蹕

金定四庫全書
卷十
花獻天香入壽杯
戀藻文鱗爭聚散
聽韶丹翼剩徘徊
朝簪盡慶千齡會
薰曲汾歌即席陪

送齊進士奉章闕下

傾坐仙姿揜石麟
奉章車府應觀賓
謝庭早占芝蘭族
禹會初陪玉帛臣
削牘西清催筆距
賜衣中禁換袍銀
東歸待看榮鄉品
年似終童祿及親

送將作監丞張唐卿通理陝州

春風祕殿翳華芝
親見枝皋作賦時
秀色並開棠樹萼

雋科先賞桂林枝漢郵給傳蕃恩告蜀醕浮觴薦壽祺
幾日陝郊迎邸副車前懸弩雜軍麾

邸齋感懷寄呈叅政給事同年

老持藩印守河衝苟祿惟知戀軾熊游舊最叨青眼客
埏陶今仰黑頭公巢由逸躅心空斷儒墨常談耳欲聾
自笑晚年經濟業焚香靜坐習元功

邸齋無訟春物寂然書所見

閣鈴無響晝輝遲短髮山巾盡日欹戰蟻羣行開蟄後

暝禽相語欲棲時遙通竇水添新溜密數庭花記落枝
訟息寬條恩莫報晚年餘有白雲期

自洛移許初至郡齋作

忝司官鑰忽三年恩借閒州得潁川楚北蒼茫軒后野
國南膏沃許人田漢臺褒鳳今難繼荀里占星俗尚傳
更賴鵬陂能慰我鈴齋西畔似江天

侍罪書館無所自效客有以尸素為謔者因成答詠
本媿虛名類斗箕更堪華閣玷纓綈海邊不覺飛鳬少

天外寧知嚇鼠飢倦客風霜嗟右席故巢烟雨老南枝
新年定有澄清劾歸守東岡固未遲

喜晴晚歸

八月高空卷斷霓落霞殘照掖門西仙城氣暖猶藏霧
輦路塵清不雜泥殿裏風回聞禁漏闕邊雲斂見丹梯
迎寒便立甘泉仗扈從應無七聖迷

時大禮
將近

醉枕

楚辭虛美獨醒賢左手香螯伴醉眠國器載歸壺似腹

江萍興罷幕為天雪樓珠麗已人曲芝館塵生洛浦田
畫枕蝶魂方適興莫教瘳意傍鵲絃

贈石龍趙山人

衰鬢星星倦折腰十年歸就故山樵
臨江徑壞茅闌屋潁水風清樹厭瓢
防蠹舊編裁竹牒蠲疴珍劑訪芝苗
驚文謀食機心盡試為勞生諭炙鴞

晚坐高明臺

悔倚危欄望夕霏臨高無事亦依依
天長去鳥幾時返

風罷孤雲何處歸
一世功名慚擊節
百年耕鑿願忘機
銜恩感舊誰能免
猶喜荒洲在日圓

明堂宿齋賜貢茶珍果上樽御膳

太寢陪祠宿斗城
寵頒通夕助齋明
吳包瑞果金衣潤
閩焙春團寶月盈
滿腹鵲騰催御酒
溢杯羊醵識君羹
甘滋飽德殊無寐
坐數章溝肅唱聲

季秋侍宴中闕與諸公憩學士院作

冠劍中休會禁局
暫歇孤枕拂雲屏
漢臣責重非真醉

楚客秋高恨獨醒寶墨喜窺前賜勝

太宗飛白玉
堂之署在焉華條

猶記舊呼鈴詔催終宴簫韶動更學鷄鵠子細聽

屏居春日

初服仍從洛涘居鳴蛙鏡吹滿前除露園柘彈愁逢雀
磻渚璜鈎枉餌魚蠟屐幽懷高下齒斲輪真想古今書
漢人尚自嘲頻解猶得凝神守泊如

元憲集卷十